



SIARAN MEDIA

Untuk Siaran Segera

Great Eastern Takaful Membawa Senyuman kepada 100 Pelajar Kurang Berkemampuan melalui Program GET Back to School 2025

Menyokong pendidikan melalui bantuan barangan keperluan sekolah dan inisiatif kelestarian

11 Mac 2025, Kuala Lumpur – Great Eastern Takaful Berhad (GETB) baru-baru ini telah meraikan kemasukan pelajar ke penggal baharu persekolahan dengan penganjuran Program *GET Back to School 2025* untuk para pelajar SK Setiawangsa. Inisiatif yang kini dilaksanakan pada tahun kedua ini adalah di bawah inisiatif tanggungjawab sosial korporat (CSR) Great Eastern Takaful, GET-Pintar yang bertujuan untuk membantu seramai 100 pelajar daripada segmen komuniti berpendapatan rendah dengan menyediakan barangan keperluan sekolah kepada mereka.

Sebagai sebahagian daripada komitmennya untuk membantu mereka yang memerlukan, Great Eastern Takaful menyediakan bantuan barangan persekolahan yang diperlukan seperti beg sekolah, botol air, bekas makanan, bekas pensel dengan alat tulis, dan baucar buku Pustaka Rakyat bernilai RM100. Selain itu, makanan juga turut disediakan kepada para pelajar selepas majlis penyerahan berlangsung.

Encik Shahrul Azlan Shahrman, Ketua Pegawai Eksekutif Great Eastern Takaful berkata, "Setiap kanak-kanak sewajarnya diberikan peluang yang sama rata untuk mendapat akses kepada pendidikan dan keperluan pembelajaran. Program *GET Back to School* ini adalah sebahagian daripada komitmen berterusan kami untuk membantu para pelajar daripada segmen berpendapatan demi pengalaman pembelajaran yang lebih baik. Bersama-sama, kita boleh membangunkan masa depan di mana pendidikan dan kesejahteraan bergerak seiring."

Selain itu, Great Eastern Takaful turut mempromosikan kelestarian dan kesedaran alam sekitar melalui inisiatif GET-Green iaitu *GETB Upcycling Project*. Para pelajar telah mengambil bahagian dalam taklimat dan kuiz kesedaran alam sekitar serta diberikan pendedahan mengenai Mesin Kitar Semula 2-dalam-1 yang mengubah sisa plastik kepada barangan berguna seperti sikat rambut, pembaris, klip beg dan banyak lagi.

Projek yang telah memenangi anugerah ini telah dilancarkan pada 2022 dan sehingga kini, inisiatif ini telah menjangkau lebih 12,000 individu dalam misinya untuk mempromosikan gaya hidup dan amalan hijau.

Great Eastern Takaful akan terus Mencapai Kejayaan bersama komuniti dengan menyokong dan menyediakan keperluan pendidikan, serta meningkatkan kesedaran alam sekitar.

-TAMAT-

MENGENAI GREAT EASTERN TAKAFUL BERHAD

Great Eastern Takaful Berhad adalah syarikat usaha sama antara i Great Capital Holdings Sdn Bhd (i-Great), anak syarikat Great Eastern Holdings Limited dan Koperasi Angkatan Tentera (M) Berhad. Sejak ditubuhkan pada tahun 2010, Great Eastern Takaful komited dalam menyediakan produk perlindungan takaful keluarga komprehensif yang memberi perlindungan kesihatan dan kewangan patuh syariah dalam usahanya untuk merapatkan jurang perlindungan di kalangan rakyat Malaysia, termasuk kumpulan berpendapatan rendah (B40). Menzahirkan pendekatan Takaful untuk Semua, operasi perniagaan GETB disokong oleh pelbagai saluran pengedaran, rakan perniagaan korporat dan perbankan untuk terus mengukuhkan kedudukannya dalam industri dan memenuhi keperluan perlindungan para pelanggan.

Melangkaui operasi perniagaan, Great Eastern Takaful juga giat menjalankan pelbagai inisiatif tanggungjawab sosial yang memfokuskan pendidikan (GET-Pintar), pembangunan komuniti (GET-Care) dan kelestarian alam sekitar (GET-Green) demi membantu masyarakat memperoleh kualiti hidup yang lebih baik.

Aspirasi Great Eastern Takaful untuk mencapai kejayaan bersama rakyat Malaysia adalah terbukti melalui pelbagai anugerah dan pengiktirafan tempatan dan antarabangsa. Antara pengiktirafan terkini adalah anugerah “Pengendali Takaful Terbaik Malaysia 2022” oleh Global Business Outlook Awards dan pada tahun 2023, Great Eastern Takaful diiktiraf sebagai “Most Valuable Brand – Takaful Solutions” oleh The BrandLaureate BestBrands Awards, “Penyedia Penyelesaian Takaful Terbaik” oleh Global Islamic Finance Awards (GIFA) serta pelbagai anugerah Takaful Star Awards oleh Persatuan Takaful Malaysia. Tahun 2024 menyaksikan Great Eastern Takaful diperakui sebagai “Majikan Terbaik” oleh Anugerah Majikan Terbaik Kincentric, dianugerahkan sebagai “Penyedia Penyelesaian Takaful Terbaik” oleh Global Islamic Finance Awards (GIFA), diiktiraf dengan “Anugerah Inisiatif – Upcycling” oleh ESGBusiness Awards di samping menerima beberapa anugerah lain daripada HR Excellence Awards 2024. Untuk maklumat lanjut, sila layari www.greateasterntakaful.com. Great Eastern Takaful juga merupakan ahli PIDM.

Pihak Kerajaan juga telah melantik Great Eastern Takaful sebagai pengurus skim mySalam, yang merupakan skim perlindungan kesihatan nasional yang dikawalselia oleh Bank Negara Malaysia.

Untuk keterangan lanjut, sila hubungi:

Mastura Abd Rahim
Penolong Naib Presiden – Penjenamaan & Komunikasi Korporat
Great Eastern Takaful Berhad
Tel: +6016 - 209 234
E-mel: MasturaAbdRahim@greateasterntakaful.com